

ЭХТИЁЖИ МИЛЛАТ

«Бошка миллатларга каралса кўрилури, мунтазам мактаблари бор ва аввал мактабда диний илм устида дунёвий илм ва фанлар ҳам ўқилур. Чунки дунёда турмок учун дунёвий фан ва илм лозимдур. Замона илми ва фанидан бебахра миллат бошка миллатларга поймол бўлур.

50 сана мукаддамги замонда, биз туркистонлилар якка ва танхо яшаб, бошкалар ила муомала ва муносабатимиз йўқ эди. Энди замон ўзгариб, бошка миллатлар ила махлут бўлдук, шарият ва ўз урфимиз устига конун ва Оврупо одатига итоат килмокка мажбурмиз.

Аммо конун ва Оврупо одатларини билмаганимиз учун бойимиз бўлсун, кози ва миллий ҳукамомиз ва аҳолимиз бўлсун кўб ташвиш ва зарар кўрар. Замони собикда факат шарият билмок кифоя этарди. Энди конун ва закунни билмок ҳам лозимдур. Шарият илми мадрасаларга, конун илми Русия дорилфунунларига ўқилур. Дорилфунунга кирмок учун, аввало, ўн сана гимназияга ўкумок керак. Сўнгра тўрт сана дорилфунун ўкуб андан ҳукукшунос, юрист, таъбир жоиз бўлса, замона факихи бўлиб чикар. Суд маҳкамаларинда, давлат доираларинда, кириб, хар ҳукукшунос ўз муваккили ва ўз миллати ва ўз тойифаси ва ўз Ватани ва ўз давлатининг нафъига сўйлашур, мудофаа килур.

Масалан, давлат думасинда биз Туркистон мусулмонларидан шундай ҳукукшунос вакил бўлса, бизни дин ва миллатимиз нафъига ҳаракат килур. Аммо шундай одам бизда йўқ.

Давлат думаси нари турсин, судга ва расмий маҳкамаларга кириб, бизни мудофаа киладургон кишимиз йўқ. Бошимиз огриси дўктурга борамиз, аммо дардимизни айтмокга тил йўқ. Ўзимиздан дўктур йўқ.

Иккимиз бир-биримиз ила низо киламиз. Кетамиз закунчига, сўйламокга тил йўқ. Орадаги одамлар яна бизга фириб берар, пул берармиз, югурармиз, яна ишлар барбод, охири йўқ.

Иморат килмокчи бўлсак, плон-лойихаси лозимки, инженерга мухтож бўлармиз. Аммо биз хануз «мухандис» исмини билмаймиз.

Контур ва расмий дафтар тутиб, касса куриб тижорат этмок лозим. Илм тижорат била турган бухгалтерик хисоби юритадургон бойларимизга керак, ул хам ўзимиздан бир нафар топилмайдур.

Хаммолликдан бу ишлар яхши бўлса керак. Бир неча бойваччани биларманки, энг каттик хизматларга гирифтор. Сабаби надур — илмсизлик. Холбуки аларни «тўйи»га атоси 5 минг сўм сарф этиб эди.

Туркистон меваси, донаси, тоши, туфроги, эски нимарсалари Оврупо бозорига кетар. Муни Оврупо даллоллари келиб оз бахога олиб кетар, меҳнатни биз килурмиз, фойдани улар кўрар. Ўз нимарсамизни Оврупо бозорига элтиб, яхши бахога сотатургон бизда бир одам йўк. Азбаски, Оврупо ила савдо килатургон кишини (ўзи) аввал ўн сана замона илми ўкумоги лозим.

Бизда шохи, адрас, бекасам, алоча... бофликлар бор. Агарда бир нафар техник ва мухандисимиз бўлса бу дастгоҳларни ислох этар, ахоли обод бўлур. Валлох, якин вақтда "дока" бофилларимиздек зоеъ бўлиб кетар. Чунки Оврупо янги асбоб ила мундин яхши килиб чикорур.

30 сана мукаддам Самаркандни Ёмини махалдасинда 300 алочабоф ишчи бор эди. Ал-он 30 нафар йўк. 10 сана сўнгра тамоман махв бўлур.

Хулоса, мактабимиз, дўконимиз, корхонамиз, мадрасамиз ва хар нимарсамизни замонча ислохи лозимдур. Валлох, хар нимарса кўлдан кетар, бизда муздурликдан бошка ҳеч иш колмас. Бир ускуна, дўкон ва саройни ишлатмокга хам илми замоний ва замона шумлигини билмок лозим. Валлох, биздан дунё илмини яхши билатургонларга мулк ва асбобимиз ўтар ва ўтуб турубдур.

Махмудхўжа Бехбудий. Эҳтиёжи миллат (1913)

Муаллиф:

13.03.2014 23:49 -

Киска килайлик, бошка миллатларни бойлари факир ва етимлар учун мактаб ва дорилфунунлар соладурлар, факир ва етимларни ўкумоги учун вақф "истипендия"лар таъйин килур. Бошка миллат милиўнерлари мактаби ила истипендияси-ла, идора килатургон газет ва мажалласи-ла, бино килган доруложизин (аёллар университети — *Н. О.*), барпо килган жамъияти хайрияси-ла фахр киладур.

Бизникилар жуфт оти-ла, аробаси-ла, тўйи ила ва... ла фахр этар. Хатто, ўз ўгилларини ўкутмайдургон бойлар бордур.

Бу кетишни охири ямондур, ўкумок, ўкутмок керакдур. Болаларга оталардан илм диний ва илми замоний мерос колсун.

Бутун Туркистондан ўн бой йилинда минг сўмдан берса, 25 бола учун Тошканда "диний ва замоний" бир "пансион" лайли ва нахори 5 мукамал мактаб бино бўлуб, хар йил хукумат мактабинда 50 бола тайёрлайдур.

Ўн йилда булардин... 200 мухандис, дуктур, хукукшунос, муаллим, техник, замона тожири, валлох... чикар ва бизни замон одамлари каторида кўярлар ва давлат ишига кирарлар. Руслар ила бизни хасан имтизожларимизга хизмат киладурлар.

Ал-он миллатимиз бойлардан шуни кўз тутар, халойикни барбод этатургон тўйларни эмас. Ох, бу сўзларни тушунатургон бойлар бизда етушганми?

"Самарканд" газетаси, 1913 йил, 12 июл